

Kulturi, qaamarsaaneq ilageeqarnerlu

1. Kulturi

Katersugaasiviit allagaateqarfiillu

Kalaallit kulturiat kalaallillu inuiaat pillugit oqaluttuarisaanikkut takussutissartaat Nunatta Katersugaasivianit Allagaateqarfianniillu sumiiffinnilu katersugaasivinnit aqunneqarput.

Nunatta Katersugaasivia Allagaateqarfialu nuna tamakkerlugu itsarnisarsiornerup, eqqumiitsuliornerup kusanartuliornerullu iluini suliassaqarpoq.


Nunatta Allagaateqarfia Kalaallit Nunaanni pisortat suliffeqarfiutaannit inuinnarniillu allagaateqarfimmi toqqorneqartussanik tigusaqartarpoq, oqaluttuarisaanikkullu takussutissat nalunaarsorneqarlutillu paarineqartarput tamanullu takusassiarineqartarlutik. Allagaateqarfik jannuaarip aallaqqaataani 2013-mi ilisivinnik 3.942 meterinik takissuseqartuni toqqortaateqarpoq.

Nunatta Katersugaasivia Allagaateqarfialu pillugu paasisutisat erseqqinnerusut uani takuneqarsinnaapput: www.natmus.gl

Titartakkami 1.1-mi Nunatta Katersugaasivianut Allagaateqarfianullu 2013-mi isersimasut takutinneqarput. Ukiuni kingullerni arlaqartuni Nunatta Katersugaasivianut Allagaateqarfianullu isersimasut amerlassusaat [tabel 1](#)-mi takuneqarsinnaapput.

Illoqarfiit 15-it nammineerlutik katersugaasiveqarput, amerlanertigut nunasiaanerup nalaani illuutini oqaluttuarisaanermut attuumassuteqartuni.

Titartagaq 1.1. 2013-mi Nunatta Katersugaasivianut Allagaateqarfianullu isersimasut



Najoqqutaq: Nunatta Katersugaasivia Allagaateqarfialu

Nunatta isiginnaartitsisarfia

Nunatta Isiginnaartitsisarfiata anguniagaraa isiginnaartitsisarnerup iluani illuinnarsiortuunngitsumik eqqumiitsuliornikkut qaffasissumik pitsaassuseqartunik isiginnaartitsissutininik sanasarnissaq. Nunatta Isiginnaartitsisarfiata aallaavittut suliassai kalaallit kulturiannik ileqquinillu tunngaveqartussaapput peqataanillu meeqqaniit utoqqarnut tamatigoortumik oqariartuuteqarsinnaaneq isumagissallugu.

Nunatta Isiginnaartitsisarfiata suliai isiginnaartitsinerit aqqutigalugit kikkunnut tamanut saqqummiunneqartassapput, soorlu angalalluni isiginnaartitsiartornikkut, radiokkut tv-kullu aallakaatitsinikkut immiussanillu tuniniaanikkut.

Nunatta Isiginnaartitsisarfiata suliassaraa isiginnaartitsisartunngorniarfik aqqutigalugu isiginnaartitsisartussanik ilinniartitsinissaq.

Erseqqinnerusumik paasissutissat uani takukkit: www.nuis.gl

Eqqumiitsuliornermik Ilinniarfik

Eqqumiitsuliornermik Ilinniarfik Namminersornerullutik Oqartussat/Namminersorlutik Oqartussat ingerlataraat. Ilinniarfimmi ilinniartut assilioriaatsinik ilisimasassanik tunngaviusumik periaatsinillu ilinniartinneqartarput. Eqqumiitsuliornermik Ilinniarfimmi ilinniartut amerlanertigut ilusilersuisartutut assilissanillu eqqumiitsuliortutut ingerlaqqittarput. Eqqumiitsuliornermik Ilinniarfimmi ilinniartuusarneq assilialiornermut ilinniarfimmi, eqqumiitsuliornermut ilinniarfimmi, ilusilersuisarnermut ilinniarfimmi assigisaanniluunniit ilinniartunngornissamut tapiiffigineqarnissamik periarfissiivoq.

Eqqumiitsuliornermik Ilinniarfik pillugu paasissutissat erseqqinnerusut uani takukkit: www.naalakkersuisut.gl

Kalaallit Nunaanni Eqqumiitsuliortut Kattuffiat KIMIK

Kalaallit Nunaanni Eqqumiitsuliortut Kattuffiat assilialianik eqqumiitsuliortut Kalaallit Nunaanni najugaqartut salliutinnerullugit peqatigiiffiuvoq. Peqatigiiffiup anguniagaa tassaavoq eqqumiitsuliortut soqutigisaannik ilaasortallu saqqummersitsinissaannik assigisaannillu suliaqarnissaq.

Eqqumiitsuliortut kattuffiata KIMIK-up ukiut 15-it piusimanera nalliuttorsiutigalugu 2011-mi aasakkut Nordatlantens Bryggemi Sila qulequtaralugu ilaasortat aqqanillit saqqummersitsipput.

Kalaallit Nunaanni Eqqumiitsuliortut Kattuffiat KIMIK pillugu paasisaqarnerorusukkuit nittartagaq una takuuk: www.kimikart.com

Kulturi pillugu atuagassiaq Nerijsaaq

Atuagassiaq Nerijsaaq kulturi pillugu atuagassiaavoq oqaatsit marluk atorlugit saqqummersartoq, atuagassiallu anguniagaraa Kalaallit Nunaanni eqqumiitsuliortunerup kulturillu killiffii allaaseralugillu paasisutissiissutigisarnissaat. Peqatigiiffimmi Nerijsaami inuit soqutigininnertik tunngavigalugu suliaqartuupput taamaasillutillu aaliangeeqataasinnaallutik akisussaaqataallutillu.

Nerijsaaq pillugu paasisutissat annertunerusut takorusukkukkit nittartagaq una takuneqarsinnaavat: www.nerijsaaq.gl

Danmarkip aamma Kalaallit Nunaata Kulturimut Aningaasaateqarfiat

Danmarkip Kalaallillu Nunaata Aningaasaateqarfiat kalaallit aningaasaateqarfii pingasuusut, Kulturimut Aningaasaateqarfik Danmark-Kalaallit Nunaat 1996-imeersoq, Kalaallit Nunaat pillugu Aningaasaateqarfik 1959-imeersoq kiisalu Folketingip Kalaallit Nunaannut Aningaasaateqarfia, kattunnerisigut 1. juni 2005 pilersinneqarpoq. Aningaasaateqarfiup siunertaraa Kalaallit Nunaata Danmarkillu akornanni kulturikkut attaveqarnerit siuarsarnissaat.

Danmarkip aamma Kalaallit Nunaata Kulturimut Aningaasaateqarfiat pillugu paasisutissat erseqqinnerusut ukunani takukkit: www.stm.dk

Atuagakkanik atorniartarfiit

Atuagakkanik atorniartarfiit pillugit paasisutissat annertunerusut nittartakkami uani takuneqarsinnaapput: www.katak.gl

2. Erinarsorneq, qitinneq nipilersornerlu

Erinarsorneq, qitinneq nipilersornerlu

Illoqarfiit tamarmik nunaqarfiillu arlallit najukkaminni tusarnaartitsisartunik erinarsoqatigeeqarput. Kalaallit erinarsoqatigiit kattuffiat akuttunngitsumik erinarsoqatigiissitsilluni katersuutsitsisarpoq Kalaallit Nunaat tamakkerlugu erinarsoqatigiit katersuuffigisaannik.

Illoqarfiit amerlanersaanni aamma qitittartoqarpoq. Qittasit amerlanertigut Europamiut qittaseraat arfannianit danskinillu nunasiaateqartunit Kalaallit Nunaannut eqqunneqartut.

Qilaatersorneq kalaallit qangarsuarli ileqqutoqaraat ukiuni kingullerni ineritikkiartortinneqaqqilersoq. Illoqarfinni arlalinni massakkut qilaatersortartoqarpoq.

Nipilersortartut amerlanerit pingaarnermik rockimik popimillu nipilersortartuupput. Kalaallit Nunaata inoqassusaanut naleqqiullugu nipilersortartorpassuaqarpoq nipilersornermik aallutaqartunik, amerlanertigut aningaasarsiutigiginagu.

Nipilersukkanik saqqummersitsinerit

Atlantic Music aamma Sermit Records aqputigalugit ukiumut cd-it arlaqaaluttut saqqummersinneqartarput. Kalaallit Nunaanni nuussiorfiit pisoqaanersaat ULO 2006-mi siaruarterisarnissamik Atlantic Music-imut isumaqatigiissuteqarpoq, tamatumunngalu atatillugu nuannarineqarnerpaat nutaanngitsut arlallit ULO-meersut saqqummersinneqaqqipput.

Atlantic Music cd-nik nutaanik amerlanerpaanik saqqummersitsisartuusoq Nuummi mikisumik immiussisarfiuteqarpoq Københavnimilu taamaattumik anginerusumik peqarluni.

Nipilersukkanik saqqummersitat pillugit paasissutissat erseqqinnerusut uani takukkit: <http://atlanticmusic.gl>

3. Kulturikkut Illorsuit

Kalaallit Nunaata Kulturikkut Illorsua – Katuaq

Kalaallit Nunaata Kulturikkut Illorsua Katuaq Nuummiittoq 1997-mi atorneqalermat anguniagaq tassaavoq kulturikkut attaveqarfiit suleqatigisallu inerisarneri aqputigalugit kalaallit kulturiannik Kalaallit Nunaanni nunanilu tamalaani qaammarsaanissaq, taamaaliornikkut kalaallit kulturiata pigiinnarnissaa, ineriartortinnissaa ingerlateqqinnissaalu qulakkeerneqassammata.

Inersuaq isiginnaartitsinernut, ataatsimeersuarnernut filmertitsinernullu atorneqartartoq, inersuit mikinerusut arlallit kiisalu neriniartarfik kulturikkut illorsuarmi pigineqarput. Katuap saniatigut NAPA illorsuarmi allaffeqarluni attartortuuvoq.

Katuaq pillugu paasissutissat erseqqinnerusut uani takukkit: www.katuaq.gl

Kulturikkut Illorsuaq Taseralik

Kulturikkut Illorsuaq Taseralik Sisimiuniittoq 2008-mi atorneqalerpoq. Taseraliup Qeqqata Kommuniiani eqqumiitsuliornermut kulturikkullu inuunermut ilisimasat siammarternissaat peqataaffigissavaa, taamaaliornikkullu Issuttumi Nunanilu Avannarlerni eqqumiitsuliornermut kulturikkullu inuunermut innutaasut ilisimasaqarnerulernissaannut suleqataassalluni.

Sermilik pillugu paasissutissat erseqqinnerusut uani takukkit: www.taseralik.gl

Kulturikkut Illorsuaq Sermermiut

Kulturikkut illorsuaq Sermermiut Ilulissaniittoq 1999-mi atorneqalerpoq. Sermermiunit eqqumiitsuliorneq kulturilu siammarterneqarput. Sermermiup atuisuminut erinarsorneq, nipilersornerit, isiginnaartitsinerit, oqalugiarnert, ataatsimiinnerit il.il. neqeroorutigineqarput.

4. Radio, tv aamma aviisit

Kalaallit Nunaata Radioa (KNR)

Kalaallit Nunaata Radioa (KNR) Kalaallit Nunaata nuna tamakkerlugu radioqarfigalugulu tv-ikkut aallakaatitsisarfigaa. KNR suliffeqarfiuvoq namminersortoq pisortanit pigineqartoq Namminersorlutik Oqartussanit ingerlanneqartoq. KNR-p radiokkut tv-ikkullu aallakaatittagai nuna tamakkerlugu tusarnaarneqarlutillu isiginnaarneqarsinnaapput. KNR ingerlanneqarnerminut aningaasanut inatsimmit tapiiffigineqartarpoq.

KNR pillugu paasissutissat erseqqinnerusut uani takukkit: www.knr.gl

Najukkani radio aamma TV

Illoqarfinni arlalinni radiukkut aallakaatitsisarfeqarlunilu tv-ikkut peqatigiiffeqarpoq. TV-kkut peqatigiiffiit arlallit najukkani TV-qarfinngorlutik ineriartorsimapput, taakkuuppullu najukkami innuttaasunut KNR-mullu aallakaatitassianik nutaarsiassanillu nioqqutissiortuusut.

Sinerissami radioqarfiit tv-qarfiillu Sinerissami Takusassiiviit Tusagassiiviillu Kattuffianni ataatsimoorlutik kattuffeqarput.

Sinerissami tv-qarfiit annerpaat tassaapput Nuuk TV, Sisimiut TV, Arctic TV Ilulissani, Akisusoq Radio & TV Maniitsumi aamma Tusaat TV Qaqortumi.

Radioqarfiit annerpaat tassaapput Sisimiut Tusaataat, Nuuk FM, Akisusoq Radio & TV aamma Ilulissat Radioa

Radioqarfiit tv-qarfiillu ilaat pillugit paasissutissat erseqqinnerusut ukunani takukkit: www.nuuktv.gl aamma www.arcticTV.gl

Aviisit nuna tamakkerlugu saqqummersartut

Aviisit marluk nuna tamakkerlugu saqqummertarput,
Atuagagdliutit/Grønlandsposten (AG) aamma Sermitsiaq Nuummi
suliarneqartarput.
Atuagagdliutit/Grønlandsposten pingasunngornerni saqqummertarpoq.
Sermitsiaq tallimanngornerit tamaasa saqqummertarpoq.

Atuagagdliutit/Grønlandsposten aamma Sermitsiaq pillugit paasissutissat
erseqqinnerusut uani takukkit: www.sermitsiaq.ag

Najukkani aviisit

Illoqarfinni arlalinni aviiseqarpoq. Illoqarfinni aviisit annerpaat tassaapput
Kujataamiu Nutaaq Qaqortumi saqqummersartooq, Nuuk ugeavis
Nuummeersoq aamma Sivdleq Sisimiuni saqqummersartooq.

Najukkani aviisit nittartagaat ukunani takuneqarsinnaapput:
www.sermitsiaq.ag aamma www.kujataamiu.gl

5. Atuakkiortut aamma atuakkanik saqqummersitsisarfiit

Atuakkiortut

Kalaallit Atuakkiortut peqatigiiffiata atuakkiortut piginneqqaartussaanermut
soqutigisaat suliaraat, ilaasortallu aqqutigalugit atuakkanik atorniartarfiit
akiliutaanneersunik 10 procentimik isertitaqartarlutik.
Atuakkiortut peqatigiiffiat pillugu paasissutissat erseqqinnerusut uani
takukkit: www.atuakkiortut.gl

Atuakkanik saqqummersitsisarfiit

Atuakkanik saqqummersitsisarfiit ataani allaaserineqartut atuakkanik
saqqummersitsisarfiit mikinnerusut arlaqarput.

Saqqummersitsisarfik Atuagkat ApS

Saqqummersitsisarfik namminersortoq mikisoq 1994-mi Atuagkat Boghandel
Nuummiittumut atatillugu aallartinneqarpoq. 2005-miilli saqqummersitsisarfik
atuagaarniarfimmit avissaarpoq. Saqqummersitsisarfik Kalaallit Nunaat
pillugu imaluunniit Kalaallit Nunaannut attuumassuteqartunik
saqqummersitsisarpoq.

Saqqummersitsisarfik Atuagkat pillugu paasissutissat erseqqinnerusut uani
takukkit: www.saxo.com

Milik Publishing

Saqqummersitsisarfik Milik Publishing saqqummersitsisarfeeraavoq.
Saqqummersitsisarfimmit meeqqanut atuakkat pitsaasut oqaluttualiallu
assigineqanngitsut saqqummersinneqarnissaat salliutinneqarpoq.

Milik Publishing pillugu paasissutissat erseqqinnerusut uani takukkit:
www.milik.gl

Ilinniusiorfik Ilinniusianik saqqummersitsisarfik

Ilinniusiorfik Ilinniusianik saqqummersitsisarfik Namminersorlutik Oqartussat ilinniusianik saqqummersitsisarfiutigaat.

Saqqummersitsisarfik ilinniartitsissutissanik kalaallisut danskisullu meeqqat atuarfianni killeqartumillu gymnasiami, sulineramik ilinniartfinni

Ilinniartfissuarmilu atugassanik saqqummersitsisarpoq.

Ilinniusiorfik pillugu paasissutissat annertunerusut nittartakkami uani takusinnaavatit: www.ilinniusiorfik.gl

6. Højskolit

Knud Rasmussenip Højskolia

Højskoli Sisimiuniippoq suliffeqarfittullu imminut pigisutut ingerlanneqarluni. Ukiumut atuartut 40-it højskolertinneqartarput, taakku saniatigut maanna innarluutillit/innorluutillit arfineq pingasut ukiumut højskolertittalernikuupput, atuartut januaarimiit maajimut kiisalu augustimiit decemberimut atuartinneqartarput.

Højskoli pillugu paasissutissat erseqqinnerusut uani takukkit: www.krh.gl

Sulisartut Højskoliat

Sulisartut Højskoliat Qaortummiittoq 51-nik ineeraqarpoq 84-nik siniffissaqarluni.

Højskoli sulisut sinnisaannik SIK-meersunik pikkorissartitsisarpoq, tamatumalu saniatigut nalinginnaasumik innuttaasunut højskoliulluni ilaatigut nuna tamakkerlugu ukiumi ilinniartunut aammalu ataatsimeersuartitsinernut nunani avannarlerneersunut atorneqartarluni. Taakku saniatigut højskoli takornarissanut sammisassaartitsinissamik neqerooruteqartarpoq. Sulisartut Højskoliat pikkorissarnermut ilinniartitsinermullu nutaanik IT-nik atortorissaaruteqarpoq.

Folkehøjskolit pillugit Inatsisartut inatsisaat nr. 24, 18. november 2010-meersoq malillugu højskolit ilinniakkamik piginnaanngortitsisumik ilinniartitsinnaalerput.

Suliartut højskoliat pillugu paasissutissat erseqqinnerusut uani takukkit: www.sulisartut.gl

7. Peqatigiiffeqarneq

Kalaallit Nunaanni Timersoqatigiit Kattuffiat (GIF)

Kalaallit Nunaanni Timersoqatigiit Kattuffiat timersoqatigiiffiit arfineq pingasuusut Kalaallit Nunaat tamakkerlugu peqatigiiffinnik 240-nik ilaasortaaffigineqartut kattuffigaat.

Timersuutit arlallit allat timersuutit aalajangersimasut avataanni peqatigiiffinnut ataasiakkaanut kattussuunneqarput.

Kalaallit Nunaanni Timersoqatigiit Kattuffiat pillugu paasissutissat erseqqinnerusut uani takukkit: www.gif.gl

Takussutissiaq 7.1. Kalaallit Nunaanni Timersoqatigiit Kattuffiata ataani timersoqatigiiffiit

	2008	2009	2010	2011	2012	2013	Ukiut 0-14	Ukiut 15-18	Ukiut 19-30	Ukiut 31+	Passive
Katillugit	18.110	18.036	15.585	14.681	13.670	12.191	3.106	1.175	2.191	2.352	3.367
Grønlands Badmintonforbund	1.007	1.182	1.453	1.351	1.243	1.093	296	106	113	374	204
Grønlands Bordtennis Union	981	582	690	665	645	422	141	81	72	76	52
Grønlands Boldspil Union	7.227	7.529	6.567	5.823	4.858	4.385	1206	445	960	712	1062
Grønlands Håndbold Forbund	2.971	2.526	1.748	1.555	2.209	1.775	590	217	442	204	322
Grønlands Ski Forbund	1.670	1.731	1.685	2.179	1.356	1.461	347	172	299	385	258
Grønlands Taekwon-do Forbund	957	645	677	638	914	698	157	10	50	34	447
Immikkut peqatigiiffiit ittut avataanni timersoqatigiiffiit	1.769	2.495	1.439	656	988	999	217	113	164	217	288
Utoqqaat peqatigiiffii	-	-	567	792	696	873	0	0	0	227	646
Kalaallit Nunaanni Volleyball-tertartut Kattuffiat	857	629	403	430	372	302	99	17	68	64	54
Qaannat Kattuffiat	671	717	356	592	389	183	53	14	23	59	34

Najoqqutaq: Kalaallit Nunaanni timersoqatigiiffiit kattuffiat

SORLAK Kalaallit Nunaanni meeqqat inuusuttullu

Siunnersuisoqatigiiffiat

SORLAK meeqqat inuusuttullu piumassutsimik kattuffiitut peqatigiiffiinnullu kattuffiuvoq.

SORLAK pillugu paasissutissat erseqqinnerusut uani takuneqarsinnaapput: www.sorlak.gl

INUTEK Nunatsinni Teknikikkut Suliniaqatigiit

INUTEK inuit, ingerlataqartut suliffeqarfiillu Kalaallit Nunaanni issittumilu nunani allani teknologimik ilisimatusarnermillu soqutigisallit pillugit ilisimasaqartut suliaasaqarfiit akimorlugit attaveqatigiinnissaannik anguniagartuuvuq. Anguniagaasut ilagaat teknologiikkut ilisimatusarnerup ineriartortitsinerullu sunnarniarnissaa issittumi avatangiisitigut inuiaqatigiillu tungaatigut atugarisat eqqarsaatigalugit.

INUTEK pillugu paasissutissat erseqqinnerusut uani takukkit: <https://inutek.gl>

Det Grønlandske Selskab

Det Grønlandske Selskabip anguniagaraa Kalaallit Nunaannik annerusumik ilisimaqalernissaq aamma Danskit/Kalaallit suleqatigiinnerisa tapersersornissaat.

Selskabip atuagassiat immikkut ittut arlallit saqqummersittarpai, 1953-imiillu atuagassiaq Grønland kalaallinut issittumullu tunngasunik atuagassartalik saqqummersittalerlugu.

Det Grønlandske Selskab pillugu paasissutissat erseqqinnerusut uani takukkit: www.groenlandselskab.dk

8. Ilagiit

Ilagiit

Kalaallit Nunaat danksit ilageeqarnerisa iluanni nammineerluni

biskoppeqarfiuvoq nammineq biskopilik oqaluffissaarsualillu.

Namminersorlutik Oqartussat ataani inissisimalluni.

Ilagiit qitiusumik allaffissornikkut biskoppeqarfimmit ingerlanneqarpoq

Kalaallit Nunaat provsteqarfinnut pingasunut avinneqarpoq, taakkununga ilaallutik palaseqarfiit 17-it.

Provsteqarfiit ima immikkoortitigaapput:

- Provsteqarfik Kujataa: Nanortalik, Qaqortoq, Narsaq aamma Paamiut
- Provsteqarfik Qeqqa Tunulu: Nuuk, Manittsoq, Sisimiut, Tasiilaq aamma Illoqqortoormiit
- Provsteqarfik Avannaa: Kangaatsiaq, Aasiaat, Qasigiannguuit, Ilulissat, Qeqertarsuaq, Uummannaq, Upernavik aamma Qaanaaq.

Ilagiit pillugit paasissutissat erseqqinnerusut uani takukkit: www.ilagiit.gl

Takussutissiaq 1. Kuisittut, apersortittut, katittut ilisinerillu

	2008	2009	2010	2011	2012	2013
Kuisittut						
Provsteqarfik Kujataa	103	112	135	146	124	113
Provsteqarfik Qeqqa						
Tunulu	368	312	295	303	262	262
Provsteqarfik Avannaa	159	261	239	188	228	228
Katillugit	630	685	669	637	614	603
Apersortittut						
Provsteqarfik Kujataa	164	153	134	148	199	133
Provsteqarfik Qeqqa						
Tunulu	546	468	439	411	354	399
Provsteqarfik Avannaa	313	336	260	315	286	304
Katillugit	1023	957	833	874	839	836
Katittut						
Provsteqarfik Kujataa	38	35	29	92	33	30
Provsteqarfik Qeqqa						
Tunulu	106	69	84	229	93	78
Provsteqarfik Avannaa	98	70	82	156	83	80
Katillugit	242	174	195	477	209	188
Ilisinerit						
Provsteqarfik Kujataa	79	104	105	92	105	94
Provsteqarfik Qeqqa						
Tunulu	234	176	237	229	184	237
Provsteqarfik Avannaa	159	158	141	156	135	119
Katillugit	472	438	483	477	424	450

Najoqqutaq: Biskoppip allaffia

Nunatta Katersugaasivianut Allagaateqarfianullu isertut

Tabel 1. Nunatta Katersugaasivianut Allagaateqarfianullu isertut

	2007	2008	2009	2010	2011	2012	2013
Katillugit	14.106	16.764	16.318	17.260	15.271	12.869	11.556
Meeqqat	2.858	2.868	2.675	2.959	3.348	2.075	1.891
Inersimasut	11.248	13.896	13.643	14.301	11.923	10.794	9.665

Najoqqutaq: Nunatta Katersugaasivia Allagaateqarfialu

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

E-mail: stat@stat.gl

2014 ukiumoortumik paasissutissat

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

